

تأملات في آيات الصيام (2)

أمجد سمير

السلام عليكم ورحمة الله وبركاته آآ الدرس الثاني من آآ اه تدبر آيات الصيام احنا كنا ابتدينا اه مع آيات سورة البقرة يا ايها الذين امنوا كتب عليكم الصيام كما كتب على الذين من قبلكم - [00:00:01](#)

لعلكم تتقون الى اخر الآيات ووقفنا وقفيتين مع الآيات دي اول وقفة كانت ان آآ ان ربنا سبحانه وتعالى اه بدأ اول آية بذكر التقوى وختم اخر آية من آيات الصيام ايضا بذكر التقوى والوقفة الثانية ان آيات الصيام جاءت بين آيات - [00:00:16](#)

تتحدث عن الاموال قبل وبعد اللي ما سمعش الدرس ياه يسمعوا الدرس اللي فات النهاردة هحاول يعني لو الوقت اسعفنا ان شاء الله نقف مع ثلاث وقفات اخرى مع آيات الصيام - [00:00:36](#)

وبعدين نشوف الاسئلة بتاعة الناس اللي لو حد بعث اسئلة بس يعني ما تبقاش اسئلة بقى فقهية. اللي عاوز آآ احكام فقهية احنا كنا من حوالي ثلاث اربع سنين كده عندنا حوالي خمس او ست مقاطع مش فاكر العدد تقريبا يعني اتكلمنا فيه عن احكام الصيام كلها وموجودة في فهرس قناة التليجرام يعني تقدر - [00:00:51](#)

تقدروا بقى تسمعوها في قناة التليجرام ان شاء الله لكن اللي له اسئلة يعني فيما يتعلق بالدرس آآ نجيب عليها ان شاء الله آآ اول وقفة آآ رمضان والتيسير ربنا سبحانه وتعالى في وسط آيات الصيام قال يريد الله بكم اليسر ولا يريد بكم العسر ولتكملوا العدة ولتكبروا الله على ما هداكم - [00:01:10](#)

لعلكم تشكرون اه ربنا سبحانه وتعالى اشار الى معنى التيسير في وسط آيات الصيام اه اوليا جماعة الشريعة كلها جاءت بالتيسير وعندنا قاعدة فقهية مشهورة جدا عند الفقهاء المشقة تجلب التيسير - [00:01:36](#)

وقاعدة ثانية الامر اذا ضاق اتسع وقاعدة تالته الحرج مدفوع او الحرج مرفوع دي كلها قواعد فقهية. العلماء يستنبطوا منها احكاما كثيرة وكلها لها اصول في في الشرع في الكتاب والسنة - [00:01:57](#)

منها قول الله عز وجل وما جعل عليكم في الدين من حرج. يريد الله بكم اليسر ولا يريد بكم العسر لا يكلف الله نفسا الا وسعها دي قاعدة مهمة جدا عندنا في الدين - [00:02:15](#)

التيسير انتم تلمحونه في الصيام احكام الصين طبعا اول ما اقول كلمة تيسير يا جماعة هنا بقى في معنى آآ مهم يعني اول ما اقول لكم كلمة تيسير وصيام على طول ازهاكم هتروح لفين - [00:02:28](#)

الرخصة للصائم عفو للمريض او الرخصة للمسافر او الرجل الكبير الطاعن في السن اللي عنده مرض مزمن دماغنا هتروح في الحتت دي وهذا تيسير بلا شك خلاص ده نوع تيسير - [00:02:44](#)

كان في نوع ثاني وهو نوع تيسير ايضا لكن اذهانا ما بتنصرفش له للاسف. اللي هو ايه بقى من يسر الله عز وجل لنا سبل الطاعة وانه يسر لك انه حفظ لك الشريعة - [00:03:02](#)

ثاني يا جماعة كون ان ربنا سبحانه وتعالى تكفل هو بحفظ شريعة الاسلام فيصلك الدين كما اراده الله منك ده تيسير ولو وكل الينا نحن حفظ الشريعة ما ضيعناها ولا وصلت الينا محرفة كما حدث مع من قبلنا - [00:03:20](#)

اه بس انت ايه الكلام البعيد اوي ده! هو مش بعيد يا جماعة! الكلام ده قريب جدا وهو له علاقة بالآيات اصلا. يا ايها الذين امنوا كتب عليكم الصيام كما كتب على الذين من قبلكم لعلكم تتقون - [00:03:45](#)

العلماء هنا كلمة كمدي قالوا كما هي يعني كتب عليكم الصيام كما كتب على يعني كما كتب الصيام ولا نفس الصيام ولا نفس

الوقت بالذات اللي بعد كده هيقول ايه؟ شهر رمضان الذي انزل فيه القرآن - 00:03:56

من العلماء اللي قال يا جماعة ان الصيام فرض على من قبلنا شهر رمضان برضو ركزوا بقى ان الصيام لما فرض على النصارى فرض عليهم شهر رمضان ان يصوموا شهر رمضان - 00:04:11

وبعدين فكان رمضان يبجي في الحر فقالوا لأ احنا بقى ايه نرحله ونصوم بين الشتاء والصيف فصاموا في الربيع فلما رحلوا حسوا ان هم احنا بنعمل كده احنا يعني بنعمل كده ازاي؟ فقالوا طب خلاص. عشان ما الدنيا ما تخرش يعني نزود عشر تيام - 00:04:25 بدال ما هم ثلاثين يوم هنصوم اربعين يوم بزوده عشر تيام فبقى الصيام اربعين يوم. وبعدين قالوا ان ملك من ملوك النصارى بعد كده آا اصيب في فمه فنظر لله عز وجل ان لو خف هيزود لهم ايه - 00:04:46

عشر تيام كمان او اسبوع او حاجة زي كده اسبوع اه. وبعدين فزود لهم اسبوع جه ملك بعده قفلهم خمسين يوم فابتدعوا في دين الله عز وجل في الوقت وكذلك ابتدعوا في طريقة الصوم - 00:05:02

طريق الصوم ما كنتش زي ما هم بيصوموا دلوقتي فتكفل الله عز وجل لنا بحفظ الشريعة فكان هذا تيسيرا منه سبحانه وتعالى. فوصلك الدين كما يريدك الله منك يسر ده ولا مش يسر؟ يسر - 00:05:18

كذلك وفكك لما اضل عنه القوم لان يا جماعة شهر رمضان له خصيصة شهر رمضان شهر مبارك. مبارك عندنا بس؟ لأ. ده مبارك من قبل كده. ولذلك امروا بالصوم في رمضان - 00:05:37

طب ليه ده هو القرآن نزل فيه فهو مبارك عندنا؟ لأ. في بعض الاثار ان شهر رمضان انزل فيه صحف ابراهيم والتوراة على موسى والانجيل على عيسى والزبور والقرآن طبعاً - 00:05:51

شهر رمضان هو شهر مبارك من الاول فهديت اليه انت. وكان سبحانه الله يعني فيه معنى كده بدر لذهني يعني. انا لم اقرأه لاحد. فان كان صعباً فمن الله وان كان خطأ فمني ومن الشيطان والله ورسوله منه براء - 00:06:06

وكان يا جماعة الله عز وجل يحفظه الازمان الفاضلة من ان تقع فيها عبادة تنسب اليه سبحانه وتعالى وهو يكرهها يعني لما ابتدعوا صفة اخرى للصوم راح ربنا سبحانه وتعالى ابي ان يحدث ذلك في رمضان - 00:06:22

وخلى النصارى ترحل والمعرض ده هتلاقوه فين؟ في يوم الجمعة يوم الجمعة قم يا رب اليهود والنصارى بتعظيم الجمعة وتعظيم الجمعة كان لهم صلوات. صلوات فيها التوحيد لله عز وجل - 00:06:48

فظلوا وكذلك ايضاً هتلاقوا فيها حديس. فيها حديس ان هذا اليوم ايه؟ يوم الجمعة هذا هو آا هدانا الله عز وجل اليه وضل من كان قبلنا اليوم لكم وغدا آا لليهود وبعد غد للنصارى. او آا او هم لكم فيه تبع - 00:07:09

او كما قال صلى الله عليه وسلم هتلاقوا المعنى هو هو لما ابتدعوا عبادات فيها الشرك وكذا اضلهم الله عز وجل عن يوم الجمعة وهو يوم عظيم منذ ان خلقت السماوات والارض - 00:07:32

يعني يوم الجمعة ده فيه حاجات حصلت فيه ادخل ادم الجنة واخرج منها ونزل الى الارض يوم عظيم وهو يوم المزيد في الجنة وهو يوم رؤية الرب سبحانه وتعالى يعني في الجنة - 00:07:44

يوم كده له خصيصة فهدانا له واصل القوم عنهم وهذا من تيسيره ان حفظ لنا الشريعة طيب يبقى ده اول معنى ان الشريعة حفظت من عند الله عز وجل فوصلت الينا كما يريدك الله عز وجل - 00:07:58

ويسر لنا اسبابه. يسر لنا الصوم وتجد سبحانه الله تأسير عجيب يعني تجد الناس اللي الصوم ثقيل عليهم طول السنة يجي في رمضان وكأن في معونة حقيقية من الله عز وجل - 00:08:17

وكان في مدد حقيقي من الله عز وجل تيسيرا لنا يبقى يريدك الله بكم اليسر. ولا يريدكم العسر. وفيه ايضاً صرف الازهان عن ان ربنا سبحانه وتعالى يا جماعة لما - 00:08:30

يشرع لنا بعض العبادات اللي ممكن باذهانا نفتكرها مشقة الله عز وجل ينفي هذا يعني في عز ايات الصيام يقول لك يريدك الله بكم اليسر ربنا يريدك اليسر قل طب فين اليسر ده؟ ده صوم وجوع وعطش وترك جماع - 00:08:46

ايوة ييسر لك طريق الجنة يسر لك طريق الجنة. هداك الى طريق الجنة قال لك لو مشيت في الطريق ده ففي باب لوحده كده اسمه باب الريان لا يدخل منه الا الصائمون - [00:09:07](#)

هو تيسير لطريق الجنة كان في بعض المشقة فدي طبيعة الطريق عشان مش كل الناس تمشي في الطريق فده تيسير وتيسير اخر بقى اللي كل اذهاننا بتنصرف له اللي هو ايه؟ اللي هو من اول كلمة اياما معدودات. كان ممكن ربنا يشرع رمضان السنة كلها - [00:09:23](#)

ولا يسأل عما يفعل. سبحانه وتعالى وهم يسألون لكنه لم يفعل ذلك. سبحانه وتعالى. فشرع رمضان او شرع الصوم شهرا واحدا وتعالى تيسيرا لهذه الامة وكذلك الاحكام بقى الرخص. اللي هو واحد مسافر واحد مريض واحد كبير واحدة حامل واحدة مرضع الى اخره - [00:09:45](#)

ده نوع تيسير تيسير تالت ان يا جماعة الصوم في بداية الامر بس هم اول مشهورة كان عامل ازاي المغرب يأذن ياكلوا ويشربوا ويجامعوا. العشاء اذنت يمस्कوا لغاية ثاني يوم - [00:10:11](#)

طيب المغرب اذن ولسه العشاء ما اذنتش بس واحد نام وصحي قبل العشاء حتى يمस्क يبقى كان كان زمان الصوم كده اول ما شرع عند يعني في عهد النبي صلى الله عليه وسلم والصحابة اول مشروع كان كده. المغرب اذن لك انك تاكل وتشرب لغاية العشاء بس - [00:10:28](#)

وتمسك الى الى قابل ولو نمت ما لكش برضو انك يعني تاكل وتشرب الى ايها ايها اقرب النوم او صلاة العشاء ودي او قاعة الصحابة في حرس منهم عمر ومنهم قيس وآآ غيرهما من الصحابة رضوان الله عليهم - [00:10:48](#)

ورفع عنهم الله عز وجل هذا الحرج احل لكم ليلة الصيام الرفت الى نسائك. هن لباس لكم وانتم لباس لهن. علم الله انكم كنتم تغتانون انفسكم. تخونونها يعني تخونون انفسكم - [00:11:07](#)

فتاب عليكم وعفا عنه. فالان باشرون كان بعد العشاء لا يباشر المرأة او لو نام وصحي لا يباشر المرأة خلاص الى قابل فده نوع تيسير. يريد الله بكم اليسر ولا يريد بكم العسر. دي قاعدة يا جماعة - [00:11:20](#)

قاعدة كده وانت بتتعامل مع ربنا خليها دايماد قدام عينيك مهما طب دي تفيدني في ايه انا بقى؟ ايمانيا. انا مش بتكلم في الفقه. ايمانيا مهما حسيت من جواك ان اوامر ربنا - [00:11:37](#)

فيها مشقة وفيها كلفة فاعرف ان في باطنها التيسير في باطنها الرحمة خليك على يقين من كده. يريد الله بكم اليسر ولا يريد بكم العسر يبقى رمضان والتيسير الوقفة الثانية - [00:11:50](#)

رمضان آآ الاولى كانت رمضان والتيسير الوقفة آآ الثانية رمضان والقرآن شهر رمضان الذي انزل فيه القرآن هدى للناس وبينات للهدى والفرقان آآ شهر رمضان الذي انزل فيه القرآن. ليه - [00:12:15](#)

وكان يا جماعة فيه تلازم او فيه علاقة لو فيه ربط بين شهر رمضان وبين القرآن. وهو فعلا شهر تنزل القرآن. طب ازاي؟ ده القرآن كان بيزعل النبي صلى الله عليه وسلم في كل طول السنة يعني ثلاثة وعشرين سنة القرآن بيتنزل - [00:12:34](#)

هو ما كانش بينزل غير في رمضان؟ لأ. كان بينزل في غير رمضان كان بينزل في غير رمضان. لكن معنى انه نزل في رمضان او نزل في ليلة القدر انا انزلناه في ليلة مباركة - [00:12:52](#)

كما قال الله عز وجل انه نزل الى السماء الدنيا الى بيت العزة في السماء الدنيا في شهر رمضان في ليلة القدر. ثم نزل منجما يعني بقى مفصل او مقطع على النبي صلى الله عليه وسلم على مدار الثلاثة وعشرين سنة. بعد كده - [00:13:05](#)

حسب الوقائع وحسب الحاجة هذا معنى شهر رمضان الذي انزل فيه القرآن. طب آآ انت عاوز تقول ايه؟ انا الحقيقة مش عاوز اقف هنا لا مع القرآن وانا مع رمضان انا عاوز اقف مع الانفعال مع القرآن - [00:13:20](#)

رمضان له خصيصة مع القرآن اي قرآن هو قرآن واحد لا اقصد اي قرآن يعني ده ولا ده؟ اي قرآن في تعاطينا معه يا جماعة في احاديث مرعبة. منها مثلا النبي صلى الله عليه وسلم لما وصف اقواما - [00:13:36](#)

قال يقرأون القرآن لا يجاوز حناجرهم يمرقون من الدين كما يمرق السهم من الرمية احنا اتكلمنا وشرحنا الحديث ده قبل كده. في الدرس اللي فات بتاع اهمية القلب لكن الوقفة هنا ده فيه ناس النبي وصفها صلى الله عليه وسلم - [00:13:59](#) لهم تعلق بالقرآن يقرأون القرآن لا يجاوز حناجرهم لم يصل للقلب ولا ولا يرتفع للرب لا يجاوز حناجره يمرقون من الدين كما يمرق السهم من الرمي واكثر منافقي الامة قراؤها. كما ثبت عن النبي صلى الله عليه وسلم - [00:14:16](#) ايه ده القرآن ده اللي هو ممكن يبقى سبب رفعتك. وسبب الترقى في درجات الجنان القرآن ده بص بقى ممكن يوديك للنفاق مش هو تعاطيك انت مع القرآن تعاطيك مع القرآن - [00:14:38](#) لا ينفعك بل يكون وبالاً عليك بسوء التعاطي بسوء الانفعال. يبقى كيف تتفاعل مع القرآن والصيام والقرآن مربوطين ببعض كده في حاجة اللي هي ايه؟ حديث النبي عليه الصلاة والسلام - [00:14:59](#) قال ان الصوم والقرآن يشفعان للعبد يوم القيامة بصوا هنا بقى صوم وقرآن هيجوا الاثنين يشفع للعبد يوم القيامة. الصوم يقول اي رب منعتك الطعام والشراب والشهوة بالنهار فشفعني فيه. ويقول القرآن ايا ربي منعتك النوم بالليل فشفعني - [00:15:20](#) قال صلى الله عليه وسلم فيشفعان طيب يبقى هنا مربوطين ببعض اهم لكن لو لاحزت هتلاقي ان حتى الصوم يرجع الى القرآن الصوم يا جماعة يبجي يشرح هيقول ايه يا رب منعتك الطعام والشراب والشهوة بالنهار - [00:15:42](#) في حديث ثاني ان القرآن يأتي يوم القيامة كالرجل الشاحب فيقول ربي منعتك الطعام او منعتك الاكل بالنهار آ ومنعتك النوم بالليل. في رواية يقول اظلمات نهاره واسهرت ليله ايه ده! هو الصوم اللي اللي ييمنع الاكل مش القرآن. الانفعال مع القرآن. يعني لما قرا القرآن - [00:16:01](#) ان فعل فصام واضح؟ يعني حتى الصوم يرجع الى كيف نتعاطى القرآن؟ كيف نتعامل مع القرآن؟ كيف نفعل مع القرآن يا جماعة خلونا عشان ما نتوهش خصيصة رمضان بالقرآن. النبي عليه الصلاة والسلام - [00:16:35](#) ده هيبقى فيه المعنيين ان رمضان له خصيصة مع القرآن والانفعال مع القرآن. النبي عليه الصلاة والسلام يا جماعة كان اجود الناس لكن في كده حاجة بتحصل اول ما النبي صلى الله عليه وسلم يعارضه جبريل بالقرآن - [00:16:56](#) كان النبي اجود الناس طول السنة هو اجود الناس صلى الله عليه وسلم وكان اجود ما يكون في رمضان امتى؟ حين يلقيه جبريل فيعارضه القرآن كان هنا النبي صلى الله عليه وسلم حصل انفعال مع القرآن يا جماعة. ما هو ما ينفعش نبقى بنقرا القرآن - [00:17:11](#) وسلوكنا هو هو وافعلنا هي هي وقبل ده كله وقلوبنا هي هي النبي عليه الصلاة والسلام اجود الناس لما يدارس القرآن لما القرآن لما يسمع القرآن من جبريل الجود بيزيد - [00:17:32](#) افعال البر تزيد افعال الطاعة تزيد معصيتك تقل هو ده القرآن اللي احنا عاوزينه. هو ده التعامل مع القرآن اللي ينجي. القرآن يا جماعة اللي هيجي يشفع يوم القيامة هيقول ايه - [00:17:49](#) هيقول اي ربي اظلمات نهاره واسهرت ليله. هو ده القرآن اللي هينجيك اللي هو عمل ايه اللي استفذك اللي اللي حضك انك تصوم وتقوم هي دي اللي احنا عاوزين ننتبه لها - [00:18:03](#) التعاطي مع القرآن في رواية ثانية ان القرآن هيقول اي ربي منعتك شهوته يبقى انت اما هنقرا قرآن في رمضان يا جماعة لازم نخرج بده هو القرآن ده عمل ايه في قلوبنا - [00:18:25](#) يا جماعة ربنا قال ايه بصوا يا جماعة برضو احنا لو تلاحزوا كده في القرآن ربنا لما ذكر القرآن ذكر ان صفات يحبها سبحانه وتعالى في من يقرأ او في من يسمع او في من يحفظ - [00:18:40](#) منها انه يزودك ايمان ده لسة في القلب اهو لسة ما شفناش بقى الجوارح هتعمل ايه صح كده؟ واذا تليت عليهم اياته ها زادتهم ايماناً بصفة المؤمنين اللي ربنا يحبهم سبحانه وتعالى - [00:18:54](#) يبقى القرآن ايات ربنا سبحانه وتعالى يؤثر في القلب اولاً ايماناً وبعدين شعر يا الجلود وتلين الجلود والقلوب يبقى قلب والجلود

تقشعر منه جلود الذين يخشون ربهم ثم تلين جلودهم وقلوبهم الى ذكر الله - 00:19:12

تقشعرير الجلود وبعدين تبكي العيون ويخرون للاذقان يبكون ويزيدهم خشوع يبكي العيون فتتفعل والنبي صلى الله عليه وسلم لما قرئ عليها القرآن حتى وصل القارئ الى قوله فكيف اذا جنى من كل امة بشهيد وجئنا بك على هؤلاء الشهيدة؟ قال حسبك - 00:19:37

ونظر اليه فرآه يبكي صلى الله عليه وسلم تبكي العيون وتتفعل الجوارح بقى تظلماً بالنهار وتقوم بالليل. هو ده القرآن يا جماعة. ولذلك الصحابة فهموا ده يعني ابن مسعود لما يقول ايه ينبغي لحامل القرآن ان يعرف - 00:20:01

حامل القرآن يا جماعة اللي هو بقى له الشرف يوم القيامة وآآ يلبس والداه تاج الكرامة الى اخر هذا اللي هو مين اللي هو حفز القرآن عشان ياكل به عيش - 00:20:20

ابتديت انا على صوته حلو عشان ينزل آآ سيديها ولا مقاطع صوتية ولا آآ ولا البلية الثانية اللي بيبقى بيصلي وحاطط الكاميرا في وشه انا مش يعني مش عارف ازاي الصراحة - 00:20:35

يعني ما غريبة جدا. الصلاة اللي هي اخشع ما يكون. والتصوير فيها ما مش مطلوب. يعني حتى لو الناس عاوزه تسمعك عاوزه تسمعك. مش عاوزه تشوفك وانت بتعيط مسلا ولا - 00:20:47

مطلوب لكن على كل حال لأ مش ده الكرامة اللي هيلبس اللي هيرتقي في درجات الجنان ده واقراً وارتقي وارتقي ورتل كما كنت ترتل في الدنيا اللي هو مين ابن مسعود بيقول ينبغي لحامل القرآن ان يعرف - 00:20:58

بليله اذ الناس نائمون وبنهاره اذ الناس مفطرون. يعني الناس نائمة وهو قايم بيصلي النهار الناس بتاكل وتشرب وهو صايم وبخشوعه او بسكوته اذ الناس يخوضون مجالس الغيبة والنميمة اللي بين النساء ولا بين الرجال في الشغل؟ - 00:21:18

حامل القرآن غير هم قاعدين بيغتابوا هي قاعدة في ركن قاعدة في ركن حتى لو مش بتقرا في المصحف لكن هي القرآن اثر في القرآنك لما الناس هتغتاب هتغاب. هتتم هنم. اه مفطرين هفطر. بيهجصوا ههجص - 00:21:39

اين قرآنك ويبقى ينبغي حال القرآن ان يعرف بليله اذ الناس نائمون وبنهاره اذ الناس مفطرون. وبخزنه اذ الناس يفرحون هو في عالم ثاني وببكائه اذ الناس يضحكون وبصمته اذ الناس يخوضون. وبخشوعه اذ الناس يغتالون. واذ الناس يختالون - 00:22:01

الحسن له قول جميل بردو هنا حسن البصري ان من كان قبلكم يعني الصحابة ان من كان قبلكم رأوا القرآن رسائل رسائل من ربهم فكانوا يتدبرونها بالليل وينفذونها بالنهار هو ده القرآن يا جماعة اللي عاوزينه في رمضان - 00:22:26

الصحابة شافوا القرآن ازاي؟ رسائل من الرب اقفوا يا جماعة مع الكلمة دي انت لو جاي لك رسالة من واحد عظيم القدر رئيس دولة ولا ملك ولا حاجة زي كده - 00:22:48

هتبقى عاوز تفهم كل فصلة وكل حرف يقصد ايه؟ طب محتاج مني ايه؟ لاحسن اعمل حاجة غلط. غير اللي يقصده ولله المثل الاعلى. ده الرب سبحانه وتعالى القرآن رسالة الله لك - 00:23:01

ان من كان قبلكم رأوا القرآن رسائل ربهم فايه فجلسوا بالليل يفهموا ماذا يريد الرب سبحانه وتعالى؟ عشان يأتي النهار يعمل واضح اه طيب دي ثاني وقفة ان احنا لازم نهتم بالقرآن بالشكل ده - 00:23:19

الوقفة السالسة وآآ نختم بها رمضان والدعاء اهو برضو في الايات ربنا ذكر واذا سألك عبادي عني فاني قريب. اجيب دعوة الداعي اذا دعان فليستجيبوا لي وليؤمنوا بي لعلهم يرشدون - 00:23:49

الموضوع للاسف مش قادرين نقف مع كل الآيات يعني نتدبر الآيات كلها فاحنا بنأخذ كده ايه؟ وقفات. ودي الوقفة الثالثة معنا النهاردة. رمضان والدعاء هتلاقوا حاجة عجيبة ربنا سبحانه وتعالى ذكر اية الدعاء - 00:24:04

وسط الايات التي تتحدث عن الصوم الغريب بقى ان الالية دي مكانها عجيب جدا. هتلاقي كل الايات اللي قبلها بتتكلم عن اللي بيحصل بالنهار والايات اللي بعدها بتتكلم عن اللي بيحصل بالليل - 00:24:19

يعني من اول كتب عليكم الصيام. الصيام بيبقى بالنهار وكل الآيات اللي فوق بقى من الصوم ورخص الصوم وكده كله بالنهار وبعدين

واذا سألك عبادي عني فاني قريب اجيب دعوة الداع اذا دعان فليستجيبوا لي وليؤمنوا بي لعلهم يرشدون. احل لكم ليلة الصيام
الرفث الى نسائكم - [00:24:36](#)

هو ده اللي بيحصل بالليل. وجت الاية في النص وكأن هنا اشارة الى وقت اجابة الدعاء انتم عارفين يا جماعة في الحديث سلاسة لا
ترد دعوته. منهم الصائم حين يفطر - [00:24:56](#)

وقت الفطر وفي الحديث الثاني للصائم عند فطره دعوة لا ترد عيد الفطر عيد الفطر ده اللي هو امتي؟ المغرب اللي هو امتي؟ الوقت
اللي بي فصل النهار عن الليل طب لي نهار وبعده ليل - [00:25:10](#)

هنا الدعوة المستجابة ما تلاقوا الاية وكأن الاشارة مكانها هذا اشارة الى وقت اجابة الدعاء واذا سألك عبادي عني فاني قريب اجيب
دعوة الداعي اذا دعان امتي الدعوة المستجابة عيد الفطر. فده وقت ما ينفعش يضيع في رمضان - [00:25:29](#)

يعني رمضان لو ثلاثين يوم ففي ثلاثين مرة هندعي ما ينفعش يبقوا تسعة وعشرين. ما ينفعش دي دعوة لا ترد وهنا في معنى ثاني ان
النبي عليه الصلاة والسلام يعني معنى على جنب كده بقى النبي صلى الله عليه وسلم كأنه يعني ايه يريد انه يرشدك الى دعوة بعينها
- [00:25:50](#)

لما قال في الحديث والله في كل ليلة عتقاء. وفي رواية عند الفطر وكأن ما ينفعش دعاءك يخلو من الدعوة دي. اللهم اجعلنا من
عتقائك من النار وبعض العلماء ذكر يعني لطيفة اخرى في هذه الاية - [00:26:09](#)

ونختم بها ان ربنا سبحانه وتعالى في اي موطن ونشوف بقى لو في حد آآ يعني محتاج اي اسئلة يبعثها بقى من دلوقتي ان ربنا
سبحانه وتعالى في اي موطن - [00:26:30](#)

آآ خاطب النبي صلى الله عليه وسلم بانه آآ سئل عن شيء يعني يسألونك عن الاهلة يسألونك آآ اه عن يعني عن الشهر الحرام قتال فيه
آآ يعني جت كتير في القرآن - [00:26:43](#)

هتلاقي دايم الرب قل يسألونك قل وده طبيعي. يعني هم بيسألوك فروح قل لهم كذا كذا كذا يسألونك عن الهلة قل هي مواقيت
للناس والحج يسألونك عن شهر الحرام القتال فيه قل قتال فيه كبير - [00:27:02](#)

اه ايه اللي المواطن ده واذا سألك عبادي عني فاني قريب ما قالش قل وكأن هنا الله عز وجل ينفي الواسطة بين العبد وبين ربه في
هذه العبادة عبادة الدعاء - [00:27:21](#)

انت مش محتاج واسطة انت في اي وقت عاوز تدخل فيه على الرب سبحانه وتعالى بتدخل بترفع ايديك وتسال ولذلك هنا لم يقل
واذا سألك عبادي عني فقل يا محمد - [00:27:38](#)

لأ اه اه جه سؤال احنا كده خلصنا يعني الحمد لله رب العالمين. فيه سؤال جه اه السلام عليكم. وعليكم السلام ورحمة الله وبركاته.
كيف احافظ على الصلاة اه كيف احافظ على الصلاة؟ بصوا يا جماعة عموما - [00:27:52](#)

اي حاجة اي عبادة عاوز تأتيها او اي معصية عاوز آآ تنتهي عنها لازم هيكون في الطريق معنيين يسبقهم معنا رئيسي اساسي المعنى
الاساسي او الرئيسي هو الدعاء واحنا لسه بنتكلم عن الدعاء. الافتقار الى الله - [00:28:16](#)

انك تعرف انه لا حول ولا قوة الا لا حول ولا قوة الا بالله ولا حول ولا قوة الا بالله يا جماعة كنز من كنوز الجنة لا حول ولا قوة الا بالله
كنز - [00:28:38](#)

ليه كنز عارفين ايه اللي حول ولا قوة الا بالله؟ يعني لا تحول عن المعصية ولا آآ قوة في جلب الطاعة الا بالله فتدخل على الله دخول
المفتقر دخول المفلس - [00:28:48](#)

يبقى انا عاوز احافظ على الصلاة اسأل ربنا ليل نهار. يا رب اعني يا رب انا من غيرك هضيع يا رب انا من غيرك مش هحافظ على صلاة
يا رب - [00:29:05](#)

كن الى جواربي يا رب خذ بناصيتي اليك كتير كتير ده المعنى الرئيسي خلصنا يبقى اللجئ الى الله عز وجل. هنخش على حاجتين
تانيين ده دايم ده في اي حاجة يا جماعة - [00:29:16](#)

عماد عاوز اعملها آآ معصية عاوز آآ انتهى عنها. يبقى اول حاجة اللجوء الى الله عز وجل. وندخل بقى في معنيين معنى آآ نظري لو ايماني ومعنى عملي يعني ايه مع النزر؟ يعني اكلم نفسي بمعاني كده - [00:29:32](#)

خلاص اقعد كلم نفسك اللي عاوز يحافظ على الصلاة ده اقعد قل لنفسك انت فكر نفسك كده كلم نفسك انت عارف يا ابني الصلاة دي لو محافظت عليها انت فين - [00:29:49](#)

انت عارف ان العلماء لم يختلفوا في شيء تركه كفر الا الصلاة يعني يعني ما فيش اي عبادة تانية هتعملها علماء هيقولوا عليك انك تكفر بمجرد الترك. الا الصلاة اللي بترك الصلاة يا جماعة - [00:30:01](#)

حكمه دائر بين كفر وفسق. عند العلماء يعني اللي مش هيكفرك هيقول عليك فاسق انت شايف انت رايع فين فكلم نفسك كده طب انت ليه انت كاره ربنا كاره تقعد بين ايديه يعني - [00:30:23](#)

قل لنفسك كده طيب يبقى ده معنى انا طبعا مش هينفع اتكلم بقى يعني اسر في كل معنى. معنى ثاني قل لنفسك هو انت صادر تاخذ منك قد ايه في اليوم؟ صلاة بوضوء - [00:30:37](#)

كلها لو جمعتها مش جمعتها يعني صادفها مع بعض. لأ لو جمعت كل الوقت على بعضه مش هتلاقيها بتكمل نص ساعة في اربعة وعشرين ساعة. فقل لنفسك كده. ربنا سبحانه وتعالى خلقك واداك - [00:30:49](#)

اعضاء سليمة واداك وقت اربعة وعشرين ساعة في اليوم وقال لك اديني نص ساعة فمش عاوز تدي له نص ساعة ليه ده معنى كده نكلم نفسك مين معنى تالت وقت الصلاة اللي انت ما روحتش تصلي فيه - [00:30:59](#)

رحت عملت ايه اهم؟ للدرجة دي بقى للدرجة دي بقى ربنا هو اهون عليك من اللي سبت الصلاة عشان تروح له طيب معنا رابع. طب اللي انت رحلت له ده اللي ترجو عنده دنيا ولا فلوس ولا اصلا - [00:31:15](#)

هو كل ده بيد من؟ بجد اللي انت سبت الصلاة ده. سبت آآ الصلاة اللي امرك بها الفلوس والدنيا واللي انت اي حاجة سبت الصلاة عشانها بيد الله عز وجل دي كلها معاني نظرية تكلم نفسك بها. المعاني العملية بقى - [00:31:32](#)

انك نبتدي لو انت بيفوتك الفجر عشان بتنام متأخر هنام بدري لو انت في وسط صحبة ما بتصلش هاقطعها واروح لصحبة بتصلي. اه بس دول في الشغل اكيد ما فيش حد الشغل كله ما بيصلش. هاقعد مع اللي بيصلي - [00:31:49](#)

هيبقى ده صاحبي عندي واحد اعرفه بيصلي. يا فلان بعد ازنك لما تيجي تصلي الظهر وانت في الشغل مسلا لو بتروح عليك وانت في الشغل. خدني معك علاج عملي فدايما نمشي في الطريقين دول. طبعا مش هقدر يعني اجابو كل آآ او السؤال بالتفصيل يعني - [00:32:05](#)

آآ لو دكتور القلب منعني من الصيام وانا عندي القدرة على الصيام بالرغم من التعب. فهل هذا حرام علي آآ لأ مش حرام كيف اعطي طريق حقه مش فاهم صلاة التراويح للمرأة في المسجد مستحبة ام حرام؟ - [00:32:24](#)

المرأة هو اصلا يعني السؤال نظري. السنة دي ما فيش المسجد مش مفتوح للنساء ولا حول ولا قوة الا بالله هو يعني سؤال نظري آآ لكن تصلي في المسجد او تصلي في المسجد ما فيش لا بأس. آآ القاعدة في الموضوع ده المكان اللي تجدي فيه قلبك حاضر - [00:32:38](#)

اه اكثر صل فيه آآ ماشي اه طيب ما فيش اسئلة ثاني اقول قولي هذا واستغفر الله العظيم لي ولكم. سبحانك اللهم وبحمدك. نشهد ان لا اله الا انت. نستغفرك ونتوب اليك - [00:32:57](#)